

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Broj: 01-34-2709/01

Datum: 31.10.2001. godine

Na osnovu člana 12. Zakona o javnom radu i miru («Službene novine ZE-DO kantona», broj: 8/00) i člana 31. Statuta općine Tešanj («Službeni glasnik općine Tešanj», broj: 1/99,7/99) Općinsko vijeće Tešanj na svojoj 13. sjednici održanoj 31.10.2001. godine, d o n o s i

ODLUKU
o radnom vremenu u određenim
djelatnostima na području općine Tešanj

I - OPĆE ODREDBE

Član 1.

Odlukom o radnom vremenu u određenim djelatnostima na području općine Tešanj (u daljem tekstu: Odluka) utvrđuje se raspon u kome pravna i fizička lica u pojedinim djelatnostima utvrđuju svoje radno vrijeme.

Član 2.

Početak i završetak radnog vremena u kojem će raditi pojedini objekti pravnih i fizičkih lica utvrdit će se u okviru radnog vremena predviđenog ovom Odlukom, s tim da ne može biti kraće od 40 časova sedmično.

Član 3.

Sva pravna i fizička lica iz člana 1. ove Odluke, obavezna su na ulazu istaknuti radno vrijeme objekta, pridržavati se istaknutog radnog vremena, te organizovati svoje radno vrijeme bez prekida za korištenje dnevnog odmora - pauze.

II - RADNO VRIJEME U POJEDINIM DJELATNOSTIMA

Član 4.

Početak i završetak radnog vremena u oblasti TRGOVINE može se utvrditi u vremenu od 6,00 do 22,00 sata svakim danom, osim u maloprodajnim objektima vrste: DRAGSTOR i BENZINSKA PUMPNA STANICA gdje radno vrijeme može trajati od 0-24,00 sata.

Član 5.

Početak i završetak radnog vremena u oblasti UGOSTITELJSTVA.

- UGOSTITELJSKI OBJEKTI ZA SMJEŠTAJ GOSTIJU (samo smještajni kapaciteti ovih objekata) I OBJEKTI BRZE PREHRANE (FAST FOOD) radno vrijeme mogu utvrditi u vremenu od 0-24,00 sata;
- Ugostiteljski objekti vrste: BAR (Noćni klub), NOĆNI BAR, DISCO KLUB, DISCO BAR radno vrijeme mogu utvrditi u vremenu od 6,00-2,00 sata.
- OSTALI UGOSTITELJSKI OBJEKTI radno vrijeme mogu utvrditi u vremenu od 6,00 -24,00 sata.

Član 6.

Odobrenje o produženom radnom vremenu ugostiteljskih objekata koji povremeno organizuju prigodne proslave, koncerte i sl, na obrazloženi pisani zahtjev ugostitelja, izdaje nadležni općinski organ.
Buka muzike i gostiju ispred i unutar objekta ne smije narušavati kućni mir građana i rad drugih poslovnih objekata.

Član 7.
Pravna i fizička lica koja se bave proizvodnim i uslužnim djelatnostima, svoje radno vrijeme utvrđuju u skladu sa općim odredbama ove Odluke, te u skladu sa odredbama Zakona o radu.

Član 8.
Pravna i fizička lica u oblasti saobraćaja, bankarstva, PTT usluga, obrazovanja i vaspitanja, zdravstva i lokalne uprave utvrđuju radno vrijeme samostalno, u skladu sa zakonskom regulativom.

Član 9.
Odredbe ove Odluke ne primjenjuju se na radno vrijeme u ugostiteljskim objektima zatvorenog tipa (radnički restorani, vlastite kuhinje i kantine u ustanovama, interni kafei i sl.), te na PEKARSKU djelatnost, osim u dijelu koji se odnosi na sedmično radno vrijeme.

III - KAZNENE ODREDBE

Član 10.
Novčanom kaznom od 200-800 KM kaznit će se fizičko i pravno lice ako:

1. ne istakne radno vrijeme ili se ne pridržava istaknutog radnog vremena (član 3)
2. ne organizuje radno vrijeme bez prekida pauze za rad sa strankama (član 3)
3. radi duže, prije odnosno poslije utvrđenog radnog vremena (član 4,5.)
4. ako postupi suprotno odredbi člana 6. stav 2. ove Odluke.

IV - ZAVRŠNE ODREDBE

Član 11.
Nadzor nad provođenjem odredaba ove Odluke vršit će nadležni inspekcijski organi i organi MUP-a (javni red i mir).

Član 12.
Stupanjem na snagu ove Odluke prestaje da važi Odluka o radnom vremenu u određenim djelatnostima na području općine Tešanj, broj: 01-V-56/97 od 24.12.1997. godine («Službeni glasnik općine Tešanj», broj: 10/97).

Član 13.
Ova Odluka stupa na snagu narednog dana od dana objavljivanja u «Službenom glasniku općine Tešanj».

DOSTAVLJENO:

1. Općinski načelnik,
2. Služba za finansije i ekonomiju,
3. Služba za urbanizam, stambene i inspekcijske poslove,
4. Općinsko vijeće,
5. Poreska ispostava
6. Arhiva



PREDSJEDAVAJUĆI VIJEĆA

Leđa Anđelić dipl. ing.

